

西湖志卷四

水利四

補助開墾經費並各田畝捐數

窰角墾統用小洋一萬零三百零一角四十一文
官款補助小洋八千四百角各田畝捐穀實賣小
洋一千九百零一角零二文

道士洋墾統用小洋四千一百二十二角一十一
文官款補助小洋三千六百角各田畝捐穀變價
小洋五百二十一角二占二毫

西湖志

卷四

水利

一

銅盤墾統用實錢一百二十八千七百五十文官
款補助小洋四千角各畝捐折穀錢一百二十八
千七百五十文

崎下墾統用小洋六千七百二十角零八十八文
官款補助小洋六千角各田園捐款小洋七百二
十角零八十八文

水利局諭西北鄉董長開墾補助官款並辦法文
爲給諭事照得本總理奉巡按使委辦全省治水
事宜准由開濬省會河湖入手前已召集西北鄉

長董開會在案嗣於會場討論開湖必先濬壩於田畝方有裨益當經本總理約合各鄉董長於本月十二日親行履勘並畧測各壩丈數一面通知各鄉長董將應濬西湖支流之窰角壩道士洋壩北湖支流之崎下壩銅盤壩繪圖貼說將應修段落段數價目送局詳候巡按使核給補助嗣由西北各鄉長董將應濬四壩圖說及呈先後送局經本總理接見面告以河湖係公共利益全由公款開支如各鄉之支港壩浦則自行由鄉籌款官但

酌量核給補助而此次開始疏濬西北湖與壩極有關係自應優給補助款以期速成而示體恤茲經面陳巡按使准於窰角壩補助小洋七千角道士壩補助小洋三千角崎下壩補助小洋六千角銅盤壩補助小洋四千角不敷之款由各該鄉參酌情形妥籌的款茲經本局遴委西鄉鄉董長陳其清等爲西湖支港修壩董事北鄉鄉董長馬利波等爲北湖支港修壩董事各鄉董長等既受本局委任務照來圖所開之道士洋壩由洋中橋至

后賢碼頭橋長一百四十七丈由后賢碼頭橋至
內后賢門前池長九十七丈共二百四十四丈窰
角壩由窰角橋至謝家禿頭壩長六十一丈由窰
角橋至井邊亭橋長一百五十一丈由井邊亭橋
至湖尾下橋長一百三十五丈由湖尾下橋至禿
頭處長一百四十六丈由井邊亭橋至上赤舍分
支至馬坑臨江橋長二百零七丈共七百丈崎下
壩由橋至板透長五十五丈四尺由板透至鞋刀
長二十五丈四尺由鞋刀至假棹邊四十四丈由

假棹邊至妹仔田頭長二十四丈由妹仔田頭至
石仔橋長四十四丈五尺由石仔橋至壩尾長三
十七丈二尺共二百三十丈五尺銅盤壩由梅柳
橋至台後橋長一百二十九丈由台後橋至石底
長一十八丈由台後橋至沙池口長三十九丈由
沙池口至壩尾長三十丈共二百一十六丈實行
修濬壩之深度至少四尺壩之面闊至少一丈五
尺壩之底闊至少八尺一俟工程完竣本總理卽
執前開之數派員驗收詳報其詳細辦法另定開

墳規約隨文發去務各遵守照辦各鄉長董須知此舉係公家籌款補助官紳之愛護農民極周且至務各互相監督力底於成其有不遵約束無端抗議之鄉民許各鄉長董隨時指送本局以憑究辦除將開墳處所補助款目并遴派各鄉董員名出示通告並分諭外合行諭知該鄉董長一體遵照辦理此諭

以上志開墳經費

水利局詳巡按使擇期履勘西北湖支墳文

爲詳報事竊總理前擬先期召集西北三十六鄉董鄉長準本月初八日開濬湖討論會緣由當經詳陳在案於是日開會計到會者共四十人當由總理報告設局緣起開會宗旨並宣布巡按使屢念民生注意水利之至意該鄉民等極形踴躍就中不乏明白事理及有年德之人總理特加剴切告誡囑其傳諭一般鄉人咸曉然濬湖利害與農功極有關係得其助力將來濬湖工程或決行湖民承包更望其價省工良而事還易集以次議及

消納湖土該鄉人等所陳與本處計畫平均分攤一帶田園其餘再行擇地運捨諸辦法大致相同嗣據西鄉陳世驥等建議請開西湖支港一爲窰角橋至湖尾橋長約六百餘丈一爲后限道士洋長約二百餘丈北鄉馬忠寶等建議請開北湖支港一爲崎下墳長約二百四十丈一爲銅盤墳長約二百餘丈均稱該港係兩湖之支流湮塞日久若不一律濬深一遇洪流漲發則湖水無所融洩仍恐橫溢爲災似於濬湖辦法尙未完善綜計附

加此項開港經費若能多籌三四千元自足敷辦等語查歷屆湖工於開濬本湖面積之先對於附近各支流均係一律加濬緣湖心本低濬湖而不開支港勢必支港之水均停滯於湖心一遇旱乾愈難得水如濬及支流湖與支港既可息息相通而且澤能普及討論至再似此項開港工程當然歸併濬湖方昭完備且未開湖之先尙須分道先開支港湖心積土方可沿途按畝分攤既省運搬之勞亦無競爭之弊已與各鄉長鄉董訂於本月

十二日總理帶同本處籌辦各員會齊各鄉人前往履勘並測量該港段落之短長港身之深淺面積之廣狹核估經費之多寡畧具草圖再行設計除俟履勘如何妥擬辦法詳請核奪示遵外理合將當日開會情形並擇期履勘西北湖支港緣由詳報察核實爲公便

水利局詳報巡按使履勘四墳情形文

爲詳報事竊本局擇期履勘西北湖支港緣由當於具報濬湖討論會開會情形文內一併詳明在

案茲於本月十二日上午局長帶同本處顧問員李世新姚大鈞邱中醫林溥瑩監工董元勳測繪員施秉恒王燁等先到西鄉會該鄉董長等於李忠定公祠出發履勘西湖兩墳一爲窰角橋至上湖尾橋共四百六十零丈一爲道士洋至后限橋共一百四十七丈午後迤至北鄉會該鄉董長等於北門觀音亭出發履勘北湖兩墳一爲崎下橋至白鷺洋共二百七十五丈一爲梅柳橋至丞相坑共二百九十五丈是役也由各鄉董爲嚮導將

應開之墳四條履行一周隨地考察按墳測量畧具草圖載明丈數總共長一千一百餘丈於淤塞所在特加識別抵暮竣事查各墳舊址寬者二三丈狹亦一丈有餘經歷年失修淤塞現所餘面積不及三數尺深僅及尺馴此不濬則湖心稍深併此及尺之水順流涓滴歸湖西北萬數千畝之旱田直成赤地今擬加濬墳面一丈有五深一律四尺則湖水之融洩有資瘠地立成膏壤體察情勢該鄉人所請亟開四墳之緣由及前詳所陳開墳

歸併濬湖之辦法實無異議惟四墳之疏治與開濬河湖究有分別已面囑各鄉長董湖河純用公款四墳雖與湖工有關必須各鄉畧籌的款公家繼以補助方與定章無礙亦稍紓其財力并告以凡屬四墳之興修皆責成本鄉董長辦理鄉中卽籌的款合之官款補助皆由本鄉之人支銷官但任監修覆驗稽核之責更無所需其疑慮各鄉長董甚爲踴躍允於五日內籌議辦法據情呈核除俟該鄉等公同籌議果有辦法再行轉詳外理合

將當日履勘西北湖支壇情形並畧繪草圖隨文
詳請巡按使察核實爲公便

水利局詳報巡按使派員覆驗西北鄉各壇文
覽表一張

爲詳報事竊本局於舊年十月三十日將補助西
北鄉開壇辦法暨分配欸項以及留存續給數目
并派委西北鄉修壇各董事姓名擬發遵辦規約
再於文內聲明此項補助欸目將來歸併濬湖工
程支銷各緣由詳奉批准在案本局遵卽傳諭該

各鄉董事趕緊趁此冬末春初農事未興之時妥
速開工其在於施工期內本局均特派專員分行
督視局長於巡視湖工之時分期親往該各壇詳
加查核以昭慎重本年一月間復承節使親臨巡
察該鄉人等尤加鼓舞依限程功業於前月間歷
據北鄉修壇董事馬天榮馬發全等西鄉修壇董
事陳其清王行豐等先後節將崎下壇銅盤壇窰
角壇道士洋壇各處工程完竣緣由詳請驗收並
各具善後辦法暨工程公費抽捐細數清摺前來

本局逐加復核一面帶同本局濬湖事務所總監
工暨測繪委員前往該各墳分別陸續勘驗其與
原議丈數深闊尺寸除前已奉准變通增減辦理
有案此次該董事於呈報竣工所遞工程清摺內
分別聲明變通緣由逐經本局復查無異外所有
不符原議尺寸之處均着一律補開旋即復驗并
於崎下墳該鄉核其抽捐餘存之欸提出由局再
加補助台伏五十五元責令該墳董事另外添造
湖澤橋一座并修理原有舊橋以及補墊墳旁道

路之用此項附加工程併經該墳董事於報告該
墳工程費摺內逐條開支備核其他關於各墳善
後事宜節次由局據請連單擬發通告并函照警
廳一體出示均交與該各董事等分別遵照勒碑
以垂久遠至四墳應領補助欸項歷經該董事等
按期陸續來領具有支領結字存案茲屆該各墳
一律告竣之時除已經本局一再過驗一面擬將
該各墳報銷工程公費抽捐細數清摺照錄連發
通告以便週知而資徵信并飭派本局測繪員尅

日將該四墳現在形勢丈數深濶尺寸復加實測
補具精圖帖說另文再行詳送核咨外理合將西
北鄉各墳竣工各緣由連同該各董事詳送各項
清摺暨按期領款結字隨文詳請察准派員履驗
施行再此項補助西北鄉開墳款目既奉准歸併
濬湖工程支銷有案該款報銷冊自應統俟將來
濬湖竣工造冊報銷之時附冊帶報辦理以歸劃
一合併聲明

水利局勒碑通告四墳工程文

爲勒碑通告事照得本局此次籌辦濬湖并將沿
湖關係之西北鄉四墳應行同時一律開濬以利
農田各緣由詳奉巡按使批准撥款補助責令各
鄉董籌捐湊辦計西鄉道士洋墳長二百四十四
丈給補助費小洋三千六百角收穀捐小洋五百
二十一角二占二毫工程公費各款共用小洋四
千一百二十二角一十一文窰角鄉墳長六百七
十丈給補助費小洋八千四百角收穀捐小洋一
千九百零一角零二文工程工費各款共用小洋

一萬零三百零一角四十一文計北鄉銅盤墳長
二百一十六丈給補助費小洋四千角收穀捐一
百二十八千七百五十文工程公費各款共用小
洋五百二十八千二百二十五文崎下墳長二百
三十丈零五尺給補助費小洋六千角收穀捐小
洋七百二十角零八文工程公費各款共用小洋
六千七百二十角零八文均經責令該各墳
董事遵照本局原定掘鑿深濶尺寸施工并修理
墳塹一律完固先後報竣逐一驗收節據該董事

開具捐戶姓名工程公費細數各項清摺核銷詳
報在案除將原遞清摺照抄張貼徵信外合行勒
碑通告以俾永遠週知此布

以上志開墳工程

水利局詳巡按使請將金吾池暨新填湖地撥爲
歲修湖墳經費辦法文

爲詳請事竊本局前將北湖金吾池一口向農會
讓出撥歸西北鄉水利組合會管理其所得稜價
永遠充爲歲修兩湖四墳經費又本屆濬湖新填

馬廠亭暨北門觀音亭前兩處空地一併撥充爲
永遠歲收湖墳經費緣由詳奉批准在案本局遵
將此項池地統交西北鄉水利組合會責成保管
只准分別樸人作爲養魚耕種之用不得任意變
賣以重公產按年收入悉數卽以專供歲修湖墳
之需亦不得移爲他用每屆年終應將該項進出
各欸造報地方主管官廳核銷并列表公布以資
徵信凡屬西北鄉與湖墳有關係之農民均有稽
核監督之責總期費不虛糜事能實濟藉副巡按

使注重水利善後維持之至意除由本局當將前
開辦法勒碑通告并咨警察廳閩侯縣分別存案
外理合連同此項碑稿具文詳請巡按使察准備
案施行實稱公便

水利局勒碑通告金吾池暨新填湖地撥爲歲修
湖墳經費辦法文

爲勒碑通告事照得本局此次籌辦開濬湖墳係
爲整興水利注重農田起見所有工程既力求其
實際將來關於維持善後一切事宜尤應統籌完

備以垂久違茲特將北湖金吾池一口向農會讓
出劃歸西北鄉水利組合會管理其所得稜價永
遠爲歲修兩湖四墳經費又本屆濬湖新填馬廠
亭暨觀音亭旁空地兩處一併撥充爲永遠歲修
湖墳經費此項池地既責成西北鄉水利組合會
保管只准分別稜人作爲養魚耕種之用不得任
意變賣以重公產按年收入悉數卽以專供歲修
湖墳之需亦不得移爲他用每屆年終應將該項
進出各欸造報地方主管官廳核銷并列表公布

以資徵信凡屬西北鄉與湖墳有關係之農民均
有稽核監督之責總須費不虛糜事能實濟方可
以期持久除由本局當將前開辦法分別詳報巡
按使暨咨照警察廳閩侯縣准予備案外合行勒
碑通告該鄉人等一體永遠遵照辦理切切此佈
閩侯縣示諭鄉民濬湖善後禁令文

爲出示禁止事查水利局此次籌辦濬湖係爲注
重農田起見并非供爲少數一二鄉專利之資其
一切經費概用地方公欸絲毫並不加派民間公

家所以爲民興利之意已屬周至現在所有工程將次告竣將來關於維持善後事宜凡附近各鄉人民應如何互相勸勉極力奉行以重水利爲此示諭週知計開禁令十條永遠懸爲厲禁自示之後無論何項人等遇有違犯情事除由警廳責令該管站崗巡士立即擒拿懲治外并着西北鄉水利組合會各董事隨時密查指名送辦如有匿不舉發察出該董事亦科以徇隱溺職處分以專責成卽入湖酌量採取魚蝦原屬不禁該漁民等亦

應仰體此意勿得仍狃從前壟斷自便積習致負公家興利除弊苦心其各懍遵勿違切切特示
計開禁令十條

- 一不准私種菱角薤菜及水中各植物
- 一不准插放蝦毬及捕魚各竹竿
- 一不准於湖中搭蓋蟹舍
- 一不准劃界恣毒魚蝦
- 一不准以大猛俗呼牛頭猛入湖採捕
- 一不准鷺鷥排入湖採捕

- 一不准竊取沿湖石墜
 - 一不准瓜棚木柱插植湖心
 - 一不准水浮蓮糞草穢物及死畜亂擲湖中
 - 一不准折毀沿湖花木及花園內一切建築物
- 以上志湖墳善後事宜

林炳章重濬西北湖並增建公園碑記

西北湖瀦水溉田以備旱澇歷代濬治之績前後相望然自先文忠公至今閱九十餘年謀濬者皆未遂湖葑田坵而漲則又爲菑於是省紳沈公瑜

慶等萃議濬湖鹽運使劉君鴻壽受部令準撥舊日倉儲公款三萬四千餘緡畀爲湖費今巡按許公厘念民生銳意水利設局規畫以炳章總其事濬湖議成舉並屬焉念責在所司重以家乘昭垂成規可率是用兢兢從事計二百有數日畢濬全湖寬廣三萬五千九百丈出土一萬四千三百餘方復湖隄石址一千二百餘丈兼濬道士洋窰角崎下銅盤諸墳一千七百六十丈治閘增梁凡糜金錢萬八千五百餘緡又規復宛在堂澄瀾閣桂

齋荷亭諸勝蹟重修開化寺徙寺之停柩二百餘
具營屋妥之建公園於寺前爲亭四瀕湖亭榭已
有者新之未有者購地庀材鳩工創葺自雄兵橋
以北轉折至小孤山路易土斲石而翼以闌又糜
金錢二萬六千餘緡以募輸得者一萬有二百緡
餘則取諸倉穀之欸是役也專力在湖重農畝也
餘力復名勝舒輿情也費核纖微工嚴時日思成
事之不易懼有愧於前人官紳合力克竣厥功而
在事諸君及西北鄉父老亦與有勞焉繼此有作
者已